

ქ. მცხეთა

ერთის მხრივ, საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით, (მოქმედი სსიპ „საქპატენტის“ თავმჯდომარის 2013 წლის სამი იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, შპს „არდიქსი“ (შემდგომში „მიმწოდებელი“) მისი დირექტორის თემურ დარსაველიძის სახით, გამარტივებული შესყიდვის საშუალებით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების საგანს წარმოადგენს შემდეგი საქონლის შესყიდვა:

- საქართველოს დროშა 2X3 მ-იანი გარე მოხმარებისთვის (CPV-35821000), რაოდენობა: 2 ცალი, ერთეულის ფასია: 180.00 ლარი, სულ: 360.00ლარი.

3. მხარეთა უფლება-მოვალეობანი

3.1. შემსყიდველი უფლებამოსილია:

- 3.1.1. მოსთხოვოს მიმწოდებელს საქონლის მიწოდება ხელშეკრულებით გათვალისწინებული პირობებითა და ვადებში;
- 3.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი (ინსპექტირება).

3.2. შემსყიდველი ვალდებულია:

- 3.2.1. უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

3.3. მიმწოდებელი უფლებამოსილია:

- 3.3.1. მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

3.4. მიმწოდებელი ვალდებულია:

- 3.4.1. გადასცეს შემსყიდველს ნივთობრივად და უფლებრივად უნაკლო საქონელი და მასთან დაკავშირებული დოკუმენტაცია, წინამდებარე ხელშეკრულებით გათვალისწინებულ ვადებში.

4. საქონლის მიწოდებისა და მიღება-ჩაბარების პირობები

- 4.1. მიმწოდებელი ვალდებულია საქონლის მიწოდება განხორციელოს 2018 წლის 5 ოქტომბრამდე, მის: ქ. თბილისი, ვაჟა-ფშაველას №51.
- 4.2. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 4.3. შემსყიდველი უფლებამოსილია უარი განაცხადოს უხარისხო საქონლის მიღებაზე.
- 4.4. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს: ვ. ჭიპაშვილი (საფინანსო დეპარტამენტის აღრიცხვა-ანგარიშგების განყოფილების მთ. სპეციალისტი, საწყობის გამგე).

5. ხელშეკრულების საერთო ღირებულება

- 5.1. ხელშეკრულების საერთო ღირებულება შეადგენს: 360.00 (სამას სამოცი) ლარს დღგ-ს ჩათვლით.
- 5.2. ხელშეკრულების საერთო ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

6. ანგარიშსწორების ფორმა და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 6.2. ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები:
 - 6.2.1. მხარეთა მიერ ხელმოწერილი მიღება-ჩაბარების აქტი;
 - 6.2.2. სასაქონლო ზედნადები.
- 6.3. ანგარიშსწორება განხორციელდება ფაქტობრივად მიწოდებული საქონლის შესაბამისად, 6.2. პუნქტით გათვალისწინებული დოკუმენტაციის წარდგენიდან არაუგვიანეს 10 (ათი) სამუშაო დღისა, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით; მიმწოდებელმა უნდა წარმოადგინოს საგადასახადო ანგარიშ-ფაქტურა.

7. მხარეთა პასუხისმგებლობა

- 7.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 7.2. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.2%-ის ოდენობით.
- 7.3. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულებით განსაზღვრული თანხის 10%-ის ოდენობით, რომლის გადახდაც მოხდება შემსყიდველის მიერ დასაბუთებული წერილობით მოთხოვნის მიღებიდან 10 დღის ვადაში.
- 7.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 7.5. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან, გარდა წინამდებარე ხელშეკრულების 7.3. პუნქტით გათვალისწინებული შემთხვევისა.

8. მხარეთა პასუხისმგებლობისაგან განთავისუფლება

- 8.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 8.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვა).
- 8.3. მხარემ, რომელსაც შეექმნა ფორს-მაჟორული გარემოება ვალდებულია დაუყოვნებლივ, მაგრამ არაუგვიანეს 5 (ხუთი) დღისა წერილობით შეატყობინოს მეორე მხარეს აღნიშნული გარემოების და მისი აღმოფხვრის სავარაუდო ვადის შესახებ.
- 8.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 8.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.

9. ხელშეკრულებით ნაკისრი ვალდებულებების შესრულების ინსპექტირება

- 9.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ხელშეკრულების მოქმედების ვადა და შეწყვეტის პირობები

- 11.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 15 ნოემბრამდე.
- 11.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. დასკვნითი დებულებები

- 13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 13.2. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს წინამდებარე ხელშეკრულებით ნაკისრი ვალდებულებები მესამე პირს.
- 13.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 13.4. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით.

მხარეთა რეკვიზიტები და ხელმოწერები

შემსყიდველი

საქართველოს ინტელექტუალური საკუთრების ეროვნული ცენტრი „საქპატენტი“
მისამართი: ქ. მცხეთა, ანტიოქიის ქ. №5
საიდენტიფიკაციო კოდი: 203831363
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
ანგ. № 707807132

მიმწოდებელი

შპს „არდიექსი“
მის: ქ. თბილისი, ვაჟა-ფშაველას №51;
საიდენტიფიკაციო კოდი: 204433032
საბანკო რეკვიზიტები:
სს „თი ბი სი ბანკი“- ს მარჯ. ფილიალი
ბანკის კოდი: TBCBGE22
ანგ № GE86TB 1100 0003 6020 0000

საფინანსო დეპარტამენტის უფროსი
ვლადიმერ სინარულიძე



დირექტორი
თემურ დარსაველიძე



მიღება-ჩაბარების აქტი №112

2018 წლის 28 სექტემბრის „სახელმწიფო შესყიდვის შესახებ ხელშეკრულებით №112“ გათვალისწინებული ვალდებულებების შესრულების შესახებ

ქ. თბილისი

03 ოქტომბერი 2018 წ.

საქართველოს ინტელექტუალური საკუთრების ეროვნული ცენტრი „საქპატენტი“ 2018 წლის 28 სექტემბრის „სახელმწიფო შესყიდვის შესახებ ხელშეკრულებით“ გათვალისწინებულ ვადებში, შპს „არდიექსმა“ უზრუნველყო ხელშეკრულების მე-2 მუხლით გათვალისწინებული შესასყიდი საქონლის მიწოდებით, მის: ქ. თბილისი, ვაჟა-ფშაველას №51, კერძოდ:

- საქართველოს დროშა 2X3 მ-იანი გარე მოხმარებისთვის (CPV-35821000), რაოდენობა: 2 ცალი, ერთეულის ფასია: 180.00 ლარი, სულ: 360.00 ლარი.

სულ შესყიდული საქონლის საერთო ღირებულება შეადგენს:

360.00 (სამას სამოცი) ლარს დღგ-ს ჩათვლით.

წინამდებარე მიღება-ჩაბარების აქტი 2018 წლის 28 სექტემბრის „სახელმწიფო შესყიდვის შესახებ ხელშეკრულების“ მე-6 მუხლის „6.1.“ პუნქტის შესაბამისად წარმოადგენს უნაღდო ანგარიშსწორების საფუძველს.

„შემსყიდველი“

„საქპატენტი“

საფინანსო დეპარტამენტის

აღრიცხვა-ანგარიშგების განყოფილების

მთ. სპეციალისტი

(საწყობის გამგე)

3- ჭიჭიჭე

ვ. ჭიჭიჭილი

„მიმწოდებელი“

შპს „არდიექსი“

დირექტორი

თ. დარსაველიძე

[Handwritten signature]

მის: ქ. თბილისი, ვაჟა-ფშაველას №51; საიდენტიფიკაციო კოდი: 204433032;
საბანკო რეკვიზიტები: სს „თი ბი სი ბანკი“- ს მარჯ. ფილიალი;
ბანკის კოდი: TBCBGE22; ანგ № GE86TB 1100 0003 6020 0000

